



RUMANNAN KALPOE DEN LIBERTAD INMEDIATO

Huez Comisario no ta convenci cu evidencianan di Ministerio Publico



ORANJESTAD (AAN): Ayera mainta e tres sospechosonan den e caso di Natalee Holloway, Joran van der Sloot y e rumannan Kalpoe, a presenta dilanti di Huez Comisario y a sali na cla cu Huez Comisario no ta convenci cu loke Ministerio Publico tin contra e rumannan Kalpoe, y pesey mes a pidi pa laga nan liber mesora. E decision aki a ser anuncia oranan despues, algo pasa di 4'or di atardi ora cu abogado mr. Rudy Oomen, representando un di e rumannan Kalpoe a yega na KIA y despues di un rato a sali cu tur dos rumannan Kalpoe for di lugar. Pa loke ta Joran van der Sloot, kende ta mantene cu e ta inocente, su detencion si a ser prolonga cu 60 dia, indicando cu e lo por keda te dia cu e caso ser presenta dilanti di huez si e no ser laga den libertad prome. Riba combinacion di potret por mira e momento cu e rumannan Kalpoe tabata den Corte y despues cu nan a ser laga den libertad ayeratardi.